


孔廟

(用佔校學林農區一十第南河)



陝縣志卷八

歐陽珍編次

祠祀

按洪範八政三曰祀周禮建國之神位右社稷而左宗廟此即祭法所謂法施於民則祀之以死勤事則祀之以勞定國則祀之能禦大災能捍大患則祀之之義也民國草創制度未定今國民政府政令統一崇修山東孔廟定國歷八月二十七日為孔子誕辰紀念已肇恢復祀典之端茲依舊志所載取其關係重要者列之以明既往而策將來其典章則附入掌故焉

文廟

舊為大成殿原肖至聖先師孔子及四配十哲像明嘉靖十年改先師廟易以木主題聖賢位號每歲春秋二仲上丁致祭兩廡先賢先儒同日祭清光緒三十二年十二月二十日詔定先師孔子升為大祀中華民國三年九月大總統改定四配稱號顏曾孟子下均加名述聖子思子改稱述聖孔子汲
兩廡先賢姓名如下公孫僑林放原憲南宮适商瞿漆雕開司馬耕梁鱣冉孺伯虔冉季

陝縣志

卷八

漆雕徒父漆雕哆公西赤任不齊公良孺公肩定鄔單罕父黑榮旂左人郟鄭國原亢廉潔叔仲會公西輿如邾巽陳亢琴張步叔乘秦非顏噲顏何縣亶牧皮樂正克萬章周敦頤程顥邵雍以上東廡蘧瑗澹臺滅明宓不齊公冶長公皙哀高柴樊須商澤巫馬施顏辛曹卹公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公祖句茲燕伋樂欬狄黑孔忠公西蒧顏之僕施之常申根左邱明秦冉公明儀公都子公孫丑張載程頤以上西廡

以上先賢位次宋以前從祀者皆稱封爵明嘉靖九年改稱先賢某子周程張邵五子嘉靖時稱先儒崇禎十五年改稱先賢列在七十子之後清稱先賢不稱子

兩廡先儒姓名如下公羊高伏勝毛亨孔安國后蒼鄭玄許慎范寧陸贄范仲淹歐陽修司馬光謝良佐羅從彥李綱張栻陸九淵陳淳真德秀何基文天祥趙復金履祥劉因陳澹方孝孺薛瑄胡居仁羅欽順呂柟劉宗周孫奇逢黃宗羲張履祥陸隴其張伯行以上東廡穀梁赤高堂生董仲舒劉德毛萇杜子春趙岐諸葛亮王通韓愈胡瑗韓琦楊時游酢呂大臨尹洵胡安國李侗呂祖謙袁燮黃幹輔廣蔡沈魏了翁王柏陸秀夫許衡吳澄許謙曹端陳獻章蔡清王守仁呂坤黃道周王夫之陸世儀顧炎武湯斌顏元李璩以上西廡

以上先儒位次宋以前皆稱封爵明嘉靖九年改稱先儒某子清稱先儒不稱子按文廟從祀諸儒歷代續有加入茲依西平縣志係民國初年制較他志爲完備若其建修歷史詳教育門

崇聖祠

明嘉靖九年詔立啟聖祠清雍正二年追封先師五代王爵改稱崇聖祠祀肇聖王木金父公裕聖王祈父公詒聖王防叔公昌聖王伯夏公啟聖王叔梁公配位爲先賢孔孟皮顏無繇孔鯉曾點孟孫激先儒周輔成程珦蔡元定張迪朱松民國初祠廢

名宦祠

在學宮泮池東祀周召公漢馮陽張寬翟義劉昆皇甫規王宏魏賈逵唐許紹孫伏伽陽城韋宏景盧奐李齊物韋堅裴耀卿李泌姜師度宋師頡寇準孫唐卿吳育李若谷李大忠范祖禹明方揚史記言清張九徵張仕可民國初祠廢

鄉賢祠

在學宮泮池西祀商伊尹唐姚崇宋魏野明趙文張九功白繩武趙全趙完璧王以悟王權衛天命趙良棟蕭大成梁可棟張籌民國初祠廢

陝縣志

卷八

二

忠義祠

在學宮西祀唐上官儀明崔儒秀陳恂何中鯉王達習潤張我德張我正高允升清蔡金鵬民國初祠廢

節孝祠

在學宮西祀晉婦某氏元陳別娥明胡李氏趙許氏唐李氏王趙氏張蕭氏申孫氏清張劉氏高張氏王黃氏唐張氏孫劉氏申嚴氏賈李氏張史氏李王氏韓劉氏韓張氏史韓氏兀趙氏等與旌表者皆入祠民國初祠廢

武廟

舊爲關帝廟原在東門內至元間監郡吉刺繹班建明末火焚張璞改建西門內每歲春秋仲月及五月十三日誕辰致祭雍正三年追封三代公爵同日先一刻致祭咸豐二年升入中祀五年加封三代王爵光緒年間知州趙希曾修葺民國四年九月奉令改爲武廟合祀關壯繆侯岳忠武王每歲仲春秋第一戊日致祭配享者左爲張飛王濬韓擒虎李靖蘇定方郭子儀曹彬韓世忠旭烈兀徐達馮勝戚繼光右爲趙雲謝玄賀若弼尉遲敬德李光弼王彥章狄青劉錡郭侃常遇春監玉周遇吉民國十八年廟與東首昭忠

祠同毀於兵

召公祠

在治東明宏治九年知州汪濬奉督學道檄增入劉昆姚崇孫伏伽李泌范祖禹陪祀明知州王嘉賓陳道蘊重修清知州劉世傑州判吳漢英署知州章璵重修道光四年知州楊兆李以唐長孫操創開廣濟渠引水入城至今利賴功德在民請附祀召公祠巡撫程批准入祀今設立民衆教育館祀典廢

禹王廟

舊在馬河社三門南岸唐天祐元年金部郎中長孫操建清中葉某州牧因致祭跋涉改建於陝城西門內頗雄偉門樓建築術尤精民國十八年毀於兵現存者二一太陽渡一城村

按自漢高祖過魯以太牢祀孔子歷代帝王疊有尊奉至令天下各州府縣普立賢宮從祀者累增皆取品學極純粹者使人知景仰聖賢又附以名宦鄉賢忠義節孝各祠尸祝本地之碩彥淑媛愈易感發興起武廟雖臨時命令而崇拜民族英雄使人激勸禹召功在斯民尤樹標之不可少者故雖祀典久廢悉照錄之以存告朔之餼羊云

陝縣志

卷八

三

姚公祠在城東衛村社宋元祐八年知州游公命置祠於故居久廢

忠烈祠在大南關明嘉靖丁酉知州閻俸爲宋知陝州兼安撫使李彥仙建後移建於貢院西今廢

二賢祠在南門內爲唐宰相姚崇宋處士魏野建今廢

昭忠祠一在東門外爲郡人崔儒秀死節建一在西街爲曹三祝辛鼎甲建俱廢

王公祠在東門內爲理學王以悟建今廢

河上公祠在城南鷄足山民國十八年毀於兵二十四年重建

文昌祠舊在羊角山清道光三年知州楊兆李移建城東南隅民國十八年與右首三代

祠召南書院同毀於兵

奎星樓在城東南隅今毀

社稷壇在西關春秋仲月上戊日致祭

社祇壇在南關順治初定風雲雷雨山川城隍之神共爲一壇春秋仲月致祭

先農壇在南關仲春亥日致祭 以上三壇今俱廢

陝縣志卷八終